

Septembersunn

Omm Mondaach hott misch de Schorsch besucht, er hott e bissi mett merr babbele wolle. Weil die Septembersunn su schee war hawwe merr uns uff die Terrass gesetzt.

Noochdem merr mett unserne Kronkheite ferdisch warn hotter gefroocht: Saach emol, Honnes, was hälsden du von dere Sach mett dem neie Gebiet doo onn de ald Hocheimer Strooß bis enaus onn de Wickerbach? Doo stieht ewe ab unn zu was in de Zeidunge, awwer su rischdisch klar kumm isch doodemett nitt.

Es iss aach schwer ze begreife, habb isch emm ze Antwort gewwe, weil ess bei dem Gebiet su e Hüh unn e Hott gibt. Die sinn sisch halt nitt oonisch, unser Parteie, weesche der Bebauung. Deshalb solle mir, die Flerschemer Leit, joo emol gefroocht werrn, was mir doo drauße gern hädde,

Dess wär nitt schlecht, moont de Schorsch.

No ja, saach isch, awwer gugg emol: Die Abgeordnete in dene Parteie sinn doch vunn uns gewählt, dess sinn doch die, die in unserm Nome ze entscheide hawwe. Dess sinn doch aach Flerschemer Leit. Wenn die sisch also nitt oonisch sinn, wie solle sisch donn die oonisch werrn, die bei so ooner Befroochung zesommekumme? Weil merr kann sisch doch werklisch vorstelle, dass die sisch omm End genauso streite wie jetzt die Stadtverordnete. Unn donn, su denk isch, werrds noch schwerer ze entscheide was gemacht werdd, weil merr dene Leit, die e onner Moonung hawwe, joo nitt gesche de Kobb stumbe will.

Sät de Schorsch: Ja wennde moonst, dass die Stadtverordnete sozesaache uns repräsentiern, warum merkt merr nix defoo in su ooner Sitzung? Warum sinn sisch die Parteie su oonisch?

Ei, saach isch, dess kimmt vumm Fraktionszwong. Vor so ooner Sitzung gibts in de Fraktione sischer aach die oo odder onner Stimme, die nitt mett dem, was de Vorsitzende saache will, oiverstone sinn. Donn werdd sisch awwer festgeleeschd unn su e Fraktion stieht donn fest wie e Mauer.

De Schorsch hott genickt. Gut, dass merr nitt in de Politik sinn, odder?

Ja, saach isch, mir zwaa dete uns dort zimlich schwer.

Als de Schorsch fort war habb isch noch e Weil uff de Terrass gesotze unn habb merr noch e bissi die Sunn uff de Kobb scheine losse. Wennde jetzt um die Zeit in de Himmel guggst siehsde joo kaum noch enn Voochel flieh, unn su vill merr aach monchmol iwwer die Atzele schenne, die bleiwe bei uns. Die kumme unn laafe uffem Rase erum, gugge mol her, sinn awwer sunnst nimmi su scheu wie se mol warn. Unn weil se sisch Zeit nemme bevor se widder fortfliehe konnsde se derr oogugge unn seh, was dess doch ferr scheene Veeschel sinn. E bissi später kimmt enn Rab, setzt sisch hoch owwe uff die Kiefer, hält de Kobb schebb, guggt uff misch erunner unn flieht widder fort.

Unn merr sitzt in de Septembersunn, lässt die Gedonke kreisele unn waaß, dass bald die Kraniche iwwer uns eweggflieh uffem Weesch nooch Spanien unn merr waaß, dass donn de Winder kimmt, dasses frieh dunkel werdd unn kalt. Unn merr denkt, frieher wollt merr soi wie enn Kranich, im Winder in de Süde fliehe, unn jetzt iss merr wie e Atzel unn enn Rab unn merr bleibt dehoom, egal wies Wedder werdd. Merr bleibt dehoom, guggt in die Zeitung unn dut abwarte, was unser Politiker entscheide, omm End isses villeicht gar nitt su schlecht.

Eiern Honnes.